



## **Universitätsbibliothek Paderborn**

### **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt XVI. Farnesij reidtus. Eius de Concilij suspensione Tridenti tractatio,  
Caesarianis, sed non Caesari probata.

**urn:nbn:de:hbz:466:1-11642**

Farnesij reditus. Eius de Conciliij suspensione Tridenti tractatio,  
Cæsarianis, sed non Cæsari probata.

**S**ub idem tempus arma Catholicorum feliciter processerant, Florentini Principis adiuta subfidiis, \* à quo Toletanus, Tridentino ad id Florentiam missus, centum quinquaginta scutorum millia acceperat, promissâ vicissim oppidi Plumbini concessione, atque eiusdem Oratoribus sede in Sacello Cæsareo supra Ferrariensis aliorumque Ducum Oratores: unde factum est, ne illi postmodum accederent. Expugnauerat Octauius Farnesius suis copiis Donauertam, arcem prævalidam, præter alia loca quâ maioris quâ minoris momenti. Eapropter Galliæ Rex, seu Cæsaris victoriis sollicitus, seu cupiens sollicitudinem de se inicere Cæsari, ut proinde Galli benevolentiam is magno pretio compararet, passus est Petrum Strozzi clientem suum castra Protestantium adire.

Ingrauescebat interim hiemis rigor. Quamobrem Farnesius Legatus, varios ibi morbos mitioribus anni mensibus perpeſsus, adeoque ab asperioribus tibi metuens, à Pontifice reditum impetravit. Aliam Suavis causam huius reditus adducit: Indignatum videlicet Pontificem, quod Cæſar noluisseſſt ante Legatum in exercitu Crucem præferri, adeoque bellum illud ceu Religionis bellum declarari. Atqui nec in priuatis monumentis id comperio, nec apud historicos, præter Adrianum, tam ieunie de his rebus edoc̄tum, tam parum partis Pontificia studiosum, ut pluribus in locis ostendimus. Contra verò non solum constat, Octauium Farnesium cum Pontificio milite in ope Carolo ferenda perſtitisse; sed ex arcanis monumentis perspectum habeo, \* & Legatum multò antè hanc abeundi facultatem a Pontifice quæſiſſe, à quo in Cæſaris gratiam est retardata, donec eo anno expeditionis exitus haberetur; & postea, cum rigescente anno eam concessit, fuisse Legatum inde profectum, gratificandi Carolo cupientissimum. Quod ipsum primò Tridenti patefecit, \* quod 14. Nouembris peruenit. Ibi nihil habuit antiquius, quam à Pontifice Cæſarei que administris mutuas diffidentiae nebulas dispellere: quas, scribebat ille Pontifici, sibi videri nec optimæ, quam in Cæſare deprehenderat, voluntati conuenire, neque coniunctioni, quam idem cum Pontifice profitebatur. Quæ verba neque sunt animi indignationem fountis in Cæſarem, neque eam in Pontificis animo suspicantis. Postea conuentu ha-

\* Adrianus  
lib 5.

\* Literæ  
Maffei ad  
Ceruum,  
14. & 22.  
Octobris  
1546.

\* Habentur  
omnia in E-  
pistola Far-  
neſij ad Pon-  
tificem, Tri-  
dento mis-  
sa 16. No-  
vembri.

G g g g z bito

1546. bito à Farnesio, duobus Legatis, Tridentino, ac Mendoza, tria sunt exagata.

An rei Christianæ, armisque Catholicis magis expediret promulgatio Decreti de Iustificatione, quod in promptu erat; an illius ad aliquot menses prorogatio.

Vbi pars posterior eligeretur: An esset Synodo proponendus articulus de Episcoporum mansione in suis Ecclesiis; an illi per diploma prospiciendum, quod, pro eo ac par erat, Episcopis satisficeret, ut pro dignitate & auctoritate residerent.

Quod si in hoc quoque posteriori parti adhærerent: Quidnam de Concilio statuendum, ad cuius translationem numquam poterat Cæsar's animus inclinari.

De cunctis tribus Capitibus conuenere. Quod spectabat ad pri-  
mum: Quando Concilium coactum fuerat Germania causâ, vbi  
nemo tunc seu Catholicus, seu Lutheranus, ex Germanis aderat,  
hoc Decretum, quod omnium quæ tunc erant controveriarum ra-  
dicem petebat, non posse in huiusmodi rerum conditionibus ple-  
nè prodesse: cum bellum fuisse suscepimus, ut Lutherani ad ob-  
sequendum Concilio impellerentur, satius fore si interim res integra  
persisteret, belliisque exitus quodammodo Concilij esset ini-  
tium; alioqui præpeditum iri emolummentum illud, quod tanti san-  
guinis ac discriminis pretio parabatur. Incommoda quidem hac  
ex parte animaduerti, quæ spectatâ mortalium famâ, quippe obla-  
tratur quod Decretum, quasi in illius Conuentus alio tor menses  
gestatum, tandem non ederetur in lucem; quæ multò magis specta-  
tâ animarum salute, quæ à prauis Confessariis & Concionatoribus  
in præsentia deceptâ periclitabantur: verum hæc incommoda non  
videri contrariis præualescere. Quod enim spectaret ad famam;  
quemcumque rectæ mentis hominem rationibus iam adductis  
manus daturum: ceterum salutem publicam prodi ab eo mag-  
istratu, qui suas deliberationes seu vulgi dementiæ, seu impro-  
borum liuori subiicit: animarum vero incolumenti consuli posse,  
si negotium daretur Episcopis ac Regularium Moderatoribus, ut  
interim curarent eam doctrinam & concionibus inculcandam, &  
reipsâ exercendam, quæ post diuturnum examen agnita quidem  
fuerat pro vera, quamquam nondum solemnitate promulgata.

In secundo Capite consenserunt omnes, ex una parte non esse  
conficiendum Decretum de morum correctione, dum sanctiones  
dogmatum protrahebantur; ex altera par non esse, an siam præbere  
calumniæ, perinde quasi dogmatis opus retardaretur correctionis  
meru-

metu: proinde oportere à Pontifice præscribi morum leges per diploma, in Concilio recitandum & comprobandum.

1546.

6. De tertio: Cùm Cæsar suspensionem recusaret, & suspensio ad incertum tempus videretur suspicionem iniectura pluribus, quasi tacita dimissionis, optimum factu videri, si per sex menses suspenderetur Synodus: idque magis decorum censeri, quām eamdem retineri claudam & elinguem. Eo pacto releuatum sumptibus Pontificem, bello suppetias continuaturum: Episcopos pauperes, infirmos, ac defatigatos respiraturos: Ecclesiæ suorum Pastorum aspectu fruituras: & apud cunctos homines in comperto futurum, Pontificem ac Cæsarem bonâ fide agere, suspensa Synodo, vbi id publico bono conduceret, eademque aperta, vbi id operæ pretium foret.

7. Hæc inter illos ita conuenierant, vt integrum esset & Pontifici & Cæsari ea vel probare vel reiicere; & interea perficerentur, quæ opus essent ad Sessionem celebrandam, vbi eius celebratio expediter. Etenim quamquam à Pontifice disertè potestas facta fuisset Legatis intermittendi Concilij, non modò ad arbitrarium, sed ad certum tempus, vt cum Cæsare concorditer sese gererent, tamen reposcentibus Cæsarianis Cæsaris consensum, voluerant ipsi pariter in Pontifice mutandi consilij libertatem; eaque de causa traditam sibi potestatem occuluere.

8. Vism est Legatis haud parum profecisse, quod Cæsarianos adegerant ad amouendum velamen, suumque dilationis desiderium declarandum, & gratiæ loco suspensionem petendam. Suaferunt ergo Pontifici, b vti, statim ac Cæsar assentiret, per diploma suspensionem statueret, veris in eo causis expositis; ab ipsis tamen non prius expromendum, quām certi essent, plerosque Patrum consensuros: sed aiebant, per illud sublatum iri necessitatem celebrandæ Sessionis, prout celebrari oporteret, si Decretum nomine Concilij conficiendum fuisset: Pontificem etiam initurum pacificam autoritatis possessionem huiusmodi actus exercendi, atque ex his cunctis schismati satis prospectum iri. Et quoniam intentis animis toti erant in subducenda ab eo discrimine Ecclesia, si Sedes vacaret, sicuti narravimus; suadebant præterea Pontifici, vt, captata ex emendatione morum opportunitate, diploma ederet ad confirmandam sanctionem Iulij Secundi in electos per simoniam, in quo simul decerneret, electionem à Purpuratorum Senatu habendam, tametsi Concilium extaret: se vero datus operam, vt huiusmodi diploma unâ cum altero à Patribus comprobaretur. Mox novo inito consilio existimarent, vbi supersedendum esset Concilio, se

G g g g 3 illâ

a Literæ  
Sforzis,  
20. Octo-  
bris, de qui-  
bus sit men-  
tio in Epi-  
stola Lega-  
torum ad  
ipsum, 2.  
Nouembris.

b Literæ ad  
Sforziam,  
17.Nouem-  
bris 1546.

1546.

• Ad Stor-  
tiam, 19.  
Nouembris.

illà cautione id temporis opus non habere. Postea re totà iterum per pensâ Romam scripserunt: Si Pontifici propositum consilium probaretur, omnino oportere ut illud ipse per diploma præscriberet; cùm enim Patres adeò se progressos ad dogma faniendum intellegent, prioniores præ se gerebant animos ad absoluendam Synodum, quâd ad suspendendam; ac proinde haud amplius huiusmodi consilium libenter suscepturnos. Addebat, præfigit se, Cæsar em suspensioni numquam assensurum: indicantes in id consilij potius deuenisse, tum ut Farneſio obsecundarent, cupient aliquem ex opera sua concordia fructum decerpere; tum ne obdurateſ ad omne Cæſarianorum postulatum ſeſe oltenderent, quâd quod proſperum exitum sperarent.

Propofitum consilium Romano Cœtui viſum eſt quadam potius rerum indigeta implicatio, quâd opus ritè contextum. Pricipue verò Moronus Cardinalis, per ingenuam loquendi libertatem, Collegisque magis animo quâd lingua comprobata, affignauit consilij debilitatem nimia Farneſij propenſionem ad Cæſari gratificandum. Morono Ardinghellus Cardinalis ardenter obſtitit, & res abiit in certamen: quod antequam Cœtus dimitteretur, silentio, pro eo ac parerat, compositum. At Pontifex quietis cupidus, quod à Legatis proponebatur amplexus eſt, diploma pollicitus, quo honestis Patrum poſtulationibus ſatisficeret; ac Legatos admonuit, vt interim ſedulò Decretum digererent, quò maturius, ubi Cæſar conuenta responderet, eius ſanctio in promptu eſſet.

Iam verò Suavis harum tractationum proſrus ignarus, paratiq[ue] Pontificis animi Cæſari morem gerere in protrahenda mora, dummodò nec à ſuis Diceſebus abſent inutiliter Epifcopi, nec idem in quodam exilio potius, quâd in Concilio per graues ſumptus ac pericula Sedis Apoſtolicae detinerentur: ignarus inquam horum omnium, non alio ex fonte, quâd ex maligni animi affectu notitias haurit, confidenterque affirmat, Paulum omnino iuſſiſe promulgari Decretum; quia cùm id Cæſari diſpliceret, ex hoc ipſo ſibi conducibile exiſtimabat, quippe vtrisque contraria ſpectantibus. Alind quoque inepte subdit, nimirum, fuſile veritum Paulum, ne quid Lutherani turbarent, ut qui cogerentur à Cæſare adire Concilium. Perinde quaſi & ipſe & ipſius deceſtores non id ſemper quafſent per tot officia, tot nuntios, tot inuitamenta; quæ indigitiora videri poſſent, niſi charitas ſtudiumque Religionis dignitatem, Christi Vicario propriam, illis inspersifient: & quaſi vbetrim auxilia Cæſari nuper à Pontifice ſuppeditata huic non ſpectarent.

Interea

Historia  
Concilij Tridi.  
Parte I.  
SIV  
5.

• Epifola  
familiaris ad  
Cœtum,  
Ron à missa  
27. Nouem-  
bris 1546.



- 11 Interea Tridento discesserat uterque Cæsar Orator, Mendoza <sup>1546:</sup>  
 \* Venetias, Toletanus Florentiam ac Neapolim, ad varia sui Prin- <sup>\* Literæ Le-</sup>  
 cipis negotia transfigenda; demandata iplorū ibi procuratione <sup>gatorum ad</sup>  
 Madruccio ac Paceco, qui tres præterea Hispanos Iurisperitos con- <sup>carneum,</sup>  
 sulerent, si quando illorum peritiam res exegisset. Quare hi duo  
 Purpurati delatum à Carolo responsum Legatis reddidere. Illus  
 summa hæc erat: \* Cupere adhuc Cæsarem, vti Decreti promul- <sup>\* Literæ Le-</sup>  
 gatio procastinaretur ex causis aliæ adductis: ac præterea, quia ali- <sup>gatorum ad</sup>  
 quod illius exemplum in Germaniam missum, ibique typis editum, <sup>farueum,</sup>  
 haud plenè satisfecerat, proinde consultius adhuc reficiendam vi- <sup>10. Decemb.</sup>  
 deri: simul etiam suspensionem à fœ regulari, felices siquidem ar-  
 morum euentus spem faciebant, fore vt vniuersa Germania Conci-  
 ilio se submitteret; hoc certè haud effectum iri, vbi suspensionem  
 cerneretur, credereturque Concilium specioso nomine personatum,  
 quod nunc in scenam se proderet, nunc inde subduceret.
- 12 Tunc Presides, cum inteligerent fieri non posse, vt iam indicatum  
 schismatis discrimen seu per translationem seu per suspensionem ef-  
 fugerent, nollentque Synodi dissolutionem, quippe indecoram, &  
 offensioni publicæ obnoxiam; animum omnes conuerterunt ad  
 Synodus solicite absolwendam. Vnde Madruccio ac Paceco re-  
 sponderunt, se rei propositæ consensisse, non quod eam expedire  
 Sedi Apostolica arbitrarentur, sed quod par erat saluā conscientiâ  
 voluntati Cæsari obsecundare. Quando iam id Cæsari non place-  
 bat, nauatuos se operam, vt & Decretum & Synodus perficerentur;  
 quod magis proderat Christianæ Reipublicæ: cui vnuersitate,  
 & non soli Germaniæ, iam magna ex parte mortali tabe corruptæ,  
 propisciendum erat. Nisi Decretum promulgaretur, Patres am-  
 plius detineri non posse, qui tam impatientem promulgationis cu-  
 piditatem, tam auersum à Tridento animum præ se ferabant, vt co-  
 rum utriusque compertum erat. Quantum ipsi rei maturanda flu-  
 duissent, eosdem posse testari perpetuam accuratamque solertiam,  
 septem ipsos menses impensam. Quod si adulterinum aliquod  
 exemplar typis in Germania impreßum haud omnino placuerat,  
 eò magis oportere dignitatem Synodi reparare, partu legitimo in lu-  
 cem edito.

- 13 Hoc ipsum promoturi, eodem die retulerunt in generalem con-  
 fessum, vt animum adiicerent ad alterum Decretum de Episcopo-  
 rum in suis sedibus mansione perficiendum; quod magno exceptum  
 plausu: & non solùm Galli modestè significarunt, sc̄ prono animo  
 ferri ad Decreti absolutionem, quippe Galliæ optatissimi; sed Cau-  
 cus.

1546.

cus Corcyrensis Archiepiscopus tam acriter in eos qui retardabant  
inuenitus est, vt Legati, ne crederetur à se Corcyrensis verba profe-  
cta, eius acrimoniam increpauerint, ex illius sapientis effato, Multa  
laudata puniri.

## CAPUT XVII.

*Dies Sessioni indictus. Decretum de Episcoporum in suis Eccles.  
suis mansione propositum. Suaus rationes de Sacerodo-  
tis et immunitatibus expensæ.*

\* Literæ Le-  
gatorum ad  
Farnesium,  
29. Decemb.  
1546.

**N**atalitiis feriis ineuntibus, nouem dies ad rem propositam  
considerandam Patribus concessi.\* Dein collectis suffragis,  
duæ tertia partes consensere, vti statueretur Sessioni octa-  
uus post Epiphaniam dies, sexdecim tantummodò repugnantibus,  
hoc est, cunctis Hispanis, aliisque nonnullis, Sedes suas in ditione  
Cæsaris obtinentibus; quibus accessere Marcus Vigerius, Senogal-  
liensis Episcopus, & Richardus Parus Anglus, Wigorniensis Anti-  
stes. Tum acri studio de morum ordinatione, ac potissimum de  
Episcoporum mansione agitatum. Per eam occasionem Suaus ab  
alto rem exorsus, primam graduum Ecclesiasticorum originem, &  
subsecutas deinceps varias consuetudines recenset. Cum autem is  
multa dicat, & nihil probet, qui verò hac de re scripserunt ex pro-  
fesso, innumeri penè sint; haud equidem patiar ad longum diuerti-  
culum trahi ab hac mendaciorum audacia: adeoque uitatis hi-  
storiarum nimis prolixis tricis, ex iis quæ Suaus obseruauit non  
nulla percurram.

Dicit, In Ecclesia primæua gradus Ecclesiasticos fuisse meros la-  
bores, haud præmia. Ita planè: atque ita in præsentia rem se habere  
vellet Suaus, & cum eo cuncti hostes Ecclesiae vellent. Sed grates  
Diuino Numini agenda, quod ea tempora praterierint. Id tunc ex  
infectionibus, quibus Ethnici in Christianos debacchabantur, &  
ex communii odio in nostram Religionem proficisebatur; vnde il-  
lius Ministri in magna rerum omnium penuria, præterquam ærum-  
narum ac discriminum, versabantur. Non desunt hodie in Ecclesia  
Catholica inflammata studia cum eisdem ærumnis hæc ipsa munia  
obeundi. Testantur id Britanniæ, Turcarum ditio, & immen-  
souï Orbis Regiones; in cuius barbarie, & incommoda duriora, &  
acerbiora sunt funera, quam olim apud Romanos idololatras. Dixi,  
nunc haud deesse in Ecclesia Catholica huiusmodi ardentina studia;

propter-

